





温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

甕雲草堂詩藁

永嘉黃 漢秋明

擔簦集

嘉慶戊寅
至庚辰

浦陽官齋七夕登三層樓

又是人間乞巧期
金風玉露動遐思
不知來歲樓頭月
照卻雙星

更照誰

新秋漸覺透深宵
十二闌干易寂寥
涼月一樓風滿樹
不堪獨自

聽吹簫

虎邱祠

靈巖山上館娃宮
響屨無聲人跡空
剩得虛廊三百步
至今惟有

白雲通

半壁清泉半壁山
依稀簫管暮煙間
採蓮人去西風冷
花葉飄零

消憂灣

千載相思京雒塵
野花開遍陌頭春
行雲行雨歸何處
玉帳山前

望美人

荒草生煙落日昏
秋風長此憶王孫
青山偏有修來福
贏得千秋

葬玉魂

誰家深院薜蘿牆
隔斷疎林又隔塘
十二闌干人不見
高樓間煞

好斜陽

秋湖風冷靜如何
五里輕煙十里波
篔簹漁翁尋不着
蘆花深處

唱新歌

離宮行

離宮深鎖嬋娟女
盡日無閑學歌舞
珠喉宛轉柳腰柔
對鏡自憐
心已苦一日丹書下
鳳臺天香拂處
萬花開長門爭
擁霓裳出引

領風前望幸來美人各自有妝束或擅或深紅或淺綠雲髻花鈿
都斬新君王只選顏如玉一人得幸眾人悲惆悵歸來蹙損眉蘭
麝厭熏脂粉懶還將清淚背人垂靡蕪滿地斜陽瘦玉釵夢斷相
思透千金何處買鴻文琵琶空怨毛延壽寄語離宮諸女郎紅顏
須自惜春光偶然得失渾間事莫向西風枉斷腸

登金華八詠樓懷古

詩人一去不知還有客登樓興自閒想像風流千載事夕陽猶剩

六朝山

羈旅集

道光癸未春
至丙戌冬

壽朱羅門五十

朱鋒字羅門邑中高尚士貧能樂道嘗夫婦提甕出汲有
古梁孟風一子亦篤厚可喜與余為莫逆交今五十初度

不可無一言以佐稱觴也賦此致祝

茂陵五十載四壁耐清寥安命婦真淑知貧兒不驕小冠杜子夏
長劍蓋寬饒束帛有時至稱觴且共邀

懷友 據孫本增一首

君在新安江我在括蒼山江山邈相隔去路何漫漫迴憶聚首時
詩酒相盤桓及今天各方愁懷交百端

蒼山高且幽紛紛半是雲盡日向山望見雲不見君每憶停雲句

中懷亦孔殷

鴻雁北方來遺我尺素書見書如見面鬱陶籍以抒念我尺蠖屈
憐我鶴清癯清臞我何慮求伸志未如殷勤古人情搔首深踟躕
西方有美人令我長相思偶托侍者去用致相思詞春言肯我顧
喜心常孜孜何當借以往款門一見之古琴請一彈會有知音知

倦游集

丁亥春至
戊子秋

遊果園弔項處士

少微星隕果園空誰復丹青奪化工
剩得閒花與野草春來猶自

繪東風

瑞安下陵江遇颶風舟幾覆旋獲登岸作此紀事並柬鄭雨

人汝霖

泊舟黃頭浦原為避風潮不辭蚊蚋惡相依過一宵明晨山水發

舟移入港漂駭浪殊顛播北海安可起四望茫無際愁絕魂欲銷

奚怪同舟人呼佛竟曉曉爾我恃忠信將憑海中瓢死生付天命

違世且飄飄不謂值彼岸羣懼登以跳泥淖不暇擇急走奔漁樵

聽彼野人言深幸在今朝此江昔云險鮮不觸沙礁前年三十客

沈魂不可招今年十四人往承前鬼桃我儕覩亦懼生死隔匪遙

龐雲亭堂詩稿

三浙江省永嘉縣縣先哲遺著委員會

相聽各咋舌脚軟立無牢痛楚思痛時中心轉憂焦回視原來舟
雖擊終漂搖人事有何定禍福旋長消直道還天地鬼神弗敢嘲
禍未可無畏福來慎毋驕平生方寸地願使常昭昭自古忠信士
可以涉波濤請置壓驚杯歸去可相邀

題張柔木仙樓吟稿後

絕代詩人張老柔三間板屋舊仙樓姓名我久傾雙耳壇坫君應
出一頭驚魁才情緣不世傲天乎手段在無求那堪鶴唳蟬聲裏半
是牢騷半是愁

鎔煉驚才費苦吟風塵屈伏到如今不逢知己甯流淚好作新詩
太嘔心李賀錦囊為事業嵇康柳鍛度光陰浮名我亦曾窺破人
海無妨共陸沈

青溪續詠
戊子秋至
己丑夏

疑冢

魏帝西陵七十二纒纒滿眼蓬蒿下妓散何人望墓田只今剩得

銅雀瓦嗟乎死後事難真何況生前事事假

北游草

己丑秋至
辛卯春

揚州

秋來暑往屢蹉跎風雨淮南夜獨過祇是雷塘人去後至今螢火

也無多

寂寂離宮半是苔錦帆無復向南來也知煬帝今何在冷落瓊花

不再開

淮陰懷古

一望蒼茫漾眼寒西風吹送過淮安千秋無恙清江水何處韓侯

舊釣竿

瓊雲草堂詩稿

四浙江省永嘉區徵輯鄉先哲遺著委員會

秦安道中曉發

脂車秣馬出茅關
稜石嵯峨路正頑
忽見淡烟晞露裏
青青幾抹濟南山

平原懷古

烽烟銷後夕陽寒
毛薛方蒙國士看
知道風塵須物色
賢才不盡出衣冠

書法名譽信超羣
萬卷能存麻炬勲
媚嫉無端到錦被
至今誰不笑梁君

鼙鼓漁陽動地來
長城獨鞏敵鋒摧
蒙塵天子方驚喜
不道書生有將才

過穀城吊項王墓

邁世英雄氣自伸
咸陽一炬掃殘秦
亞夫去後終亡楚
空有重瞳

不識人

能使紅顏命肯休將軍粗莽亦風流江東早信無歸日盍與虞姬

共一坵

雁池集辛卯夏至己亥

修禊吟有序

燈移鼓換歲月若馳錦翫水嬉土風足紀生長樂國幸際

豐年不妨逐波遨頭何必噤予游舌因而成修禊吟競渡

詞各八章葢竹枝仿譜蓮子抒情詎云小道可觀未免大

方貽笑丁酉

春風三月舊江城錦洞天開夜色明仿取永和修禊事六街燈火

繪昇平

祥雲繚繞惠風微夾道歡呼擁六飛知是舊恩忘不得香花歲歲

瓊雲草堂詩稿

五浙江省永嘉區徵輯鄉先哲遺著委員會

拜靈旂

彩霞結綺化樓臺龍水鼇山處處開
贏得一時花月晝遊人如蝶

亂飛來

一番勝處一番奇盡是機心鬪巧時
看取眼前休道破箇浮幻景

本如斯

東風嫋嫋滿天涯競艷銜嬌無限花
如此歲華那易得不知春思

落誰家

徵歌逐舞肆開場巷陌生春粉黛香
長願將錢買歡樂勝教含淚

對流亡

杏紅飄雨氣如秋催得遊人上酒樓
除卻賞裘賞拈一醉世間何事

更風流

年前樂趣正無何豈道今年樂更多
總是熙朝天子福不妨閑譜

溫州不局

太平歌

競渡詞

旌幢顏色鼓聲聲催起游人盡出城萬縷烟霞千簇錦風中蕩漾

日中明

二十五番風信佳宜人只在水之涯奪空草木尋常蕊開出滿湖

解語花

花信二十四增一番者為此解語花耳

十里烟波欲弄銀羅裙翠袖鬥鮮新畫船偏有修來福日日河干

載美人

一笑姻緣自古奇迎緋逐綠忒情癡可憐踏破瓜皮艇畢竟奇緣

屬了誰

金明池水競雄時韻事流傳屬水嬉萬槳齊飛人喝采奪標歸去

夕陽遲

鏡雲草堂詩稿

六 浙江省永嘉區徵輯先哲遺著委員會

温州圖書館

WENZHOU LIBRARY

蜀艇誰家載莫愁越舫有客弄清謳水雲鄉是無憂地便住千年

難白頭

年來江漢逐浮萍勝會長逢載酒行到底家鄉風景好回頭爭得

不關情

休將人事嘆滄桑領取壺中日月長第願年年好時節樂遊趁着

野人忙

柳雅堂別駕斌治甌力除永邑勝門積盜民賴以安因念前

署通守昌公言尚熙曾行此政惜未久輒去作此紀事用

並及之別駕山右人

氣候苦不齊風俗難均厚君子植嘉禾必先去稂莠哀彼勝門村

何為呼盜藪歲艱民愈窮厥徒更繁有善類避末俗逼脅入其殼

麻四與疹三就中稱妙手匪止穿地行且能飛檐走初貽村落虞

繼增城邑咎他州與外縣亦復^銘黏壯溫飽換飢寒十室而八九

荷警日熾甚掣公家肘鋤之卒未能賊伎亦非偶謂有期頭銀

二十以後謂之黑期賊利其行早塞緝捕口宜乎民殃深痛心

與疾首喜我別駕來誓必殲羣醜密籌掩捕策網懼吞舟漏一舉

輒破巢快哉人焉度大懲投有北小戒嚴枷杻閭閻賴以安玉石

籍以剖月明四境清花村無吠狗同此惠民^前心有言通守政行輒

受代蒞官苦勿久甌民何多福得公繼其後力成弭盜功遺澤應

不朽別駕者為誰人頌河東柳

虔南游草 丙午

題菜根書屋圖應徐小香孝廉屬

徐侯儉德邈堪思五馬秦關攬轡時富貴不忘澹泊志一聯鄭重

菜根詩小香大父樹垣先生牧乾州嘗製楹帖云無端宦轍同萍梗不改家風是菜根

鹿雲草堂詩高

七 浙江省永嘉縣後輯鄉先哲遺著委員會

善兼繼述羨尊公繡豸能存蔬水風鑿柱同州十四字當年都入

口碑中守小香先尊南香珏先生此聯於廳事

熏香小令意何深雅把清芬播畫吟茅屋三間園半角讀書聲裡

見初心其今小香復取菜根二字顏

風月浮華都可刪表傳名德不容慳翰林金粉詩人墨從此長留

天地間仙圖為李芷仙

題徐小香秦關策馬圖二首錄一

三秦擅形勢自古帝王州公子當年少花驄侍宦遊鞭絲搖嶽色

鞚影踏河流慷慨關前望風烟萬里秋

下顛灘舟中即事

柔櫓雙搖下急湍篷窗晴日不生寒溪山解寫殘年景一路梅花

當雪看

粵游編

齊昌雜興

興甯河水接梅州雲影山光相映流五兩南風三尺艇多情催我

掛帆遊

午載前呼蛟蜃鄉南漢劉龔殘酷山川依舊剩濟昌追思昔日光

陰慘霸氣劉家幸不長

小南京號美堪思游覽應嫌客到遲風俗未諳才調淺一編空讀

竹枝詞邑人土有齊

誰調脂粉作生涯學畫寢塵沒骨花也有冷人愛梅樹雪中徒倚

老極杖

羅綺何知不值錢長憑布帛說天年野夫到底閑愁重六月催人

種木綿

嶺南詩高

浙江省永嘉縣教諭鄧光培貴普委員會

温州不周書院

WENZHOU LIBRARY

炎歊只覺懊儂多時喜涼雲帶雨過每聽寒蟬深夜坐愛他清響

出桐柯

不習迴翔不習啼隨緣飲啄類癡迷旁人未解元心在捧頰常煩

笑木雞

意氣橫虹桃李春岳陽樓上笑仙人豈知老去江湖日肘柳空思

狎洞賓

冷澹梅花說到今出山甯怨雪霜侵柴門官闕同春色千載相逢

有素心

海水翻瀾野梅樹花柴荆不夢夢舟車炎洲勝賞應無限莫為鄉

心負物華

初秋夢乘兩輪車化為船又夢大海晴瀾野樹生花

長樂春遊即事十二絕句

長樂鐘聲花外聞借客中訪友慰離羣四圍山色郵程近一騎春

閒蹴曉雲同鄉友 燂寅東以巡尹需次舉東

魚鳥流連酒盞寬天涯把臂易為歡殷勤重話巴山雨剪燭西窗

每夜闌予寓陳

官閣老梅深歲華一柯萬榦鐵欹斜不須侈說前朝事且待霜天

飽看花捕署有老梅一本相傳為五六百年物

兩樹何時交翠柯百年同閱雪霜多江山最喜留佳話誰譜雙榕

連理歌邑城皇廟前有雙榕交柯而生

黃石一拳呼作公金鏗雲縹佛臺空留侯去後滄桑改山寺年年

對吐風邑北山寺有異石黃色金聲縹瘦可愛晉李靜得廣文攜

者邑之勝賞志書皆闕如是宜補入

初日芙蓉照眼新通侯幕底識詩人誰知別是經綸手雷雨何年

傍玉宸謂詩人丁仲文也皖城人環瑋有

廣雲草堂詩高

九折任青承嘉靈數輯鄉先哲實著委員會

池鑿湯分城築金安民重費宰官心閭閻要解談高枕萬口甘棠

生綠陰時毛厚甫明府重修

留客園林白玉缸春風鑿酒柚花牕娛人却喜紅蝴蝶簾外飛來

時一雙毛明府慶

樓蝸爭鳴燕哺雛暖風早似夏天初如何未到清明節盧橋登盤

笋已無三月初枇杷已熟嶺南

山徑生茅海水腥幾番剪滌費調停太平游客關心甚消息時煩

駐馬聽地匪徒亦悉就勦滅

經旬風雨冷衣棉禾麥生苔水滿田老我常餐能有幾替人愁絕

是天年雨自三月望後淫

海上樓臺過嶺遙多年擬有百花橋眼中蜃氣應消滅買幅蒲帆

好趁潮游行將買舟往矣

盲姑行

人生為女已云苦何況區區雙目瞽父母棄擲度婆收殘生代養

猶糞土十二三齡漸長成不分魯鈍與聰明日教琵琶夜教曲女

閨添此盲姑名手彈口唱堪出客勻粉裝衣趁昏夕一聲拍板照

提燈老媪扶肩走巷陌猛聽喚唱暗欣然笑進人門弄四絃唱罷

三枝兩枝曲不知能換幾文錢休論錢多與錢少無錢歸去度婆

惱剝衣奪食受鞭笞身無完膚形容槁年年飲泣空酸辛賣曲無

錢促賣身潑花誰復解憐惜除是相逢無目人冬夜衝寒夏暑冒

盲風瞎雨催來去同儕偶遇訴哀哀淚過枯眶無流處盲姑之苦

無了時珠江風俗更堪悲世窮人滿活不易何必迂談行露詩

風中下詎止珠江但女盲且逼處此他可知焉
矣患在世窮人滿非禮義可補救故更堪悲也

虎門觀潮呈張孟仙刺史

南交地盡惟剩水未海有山東南峙靈脣閑暇恣戲謔日弄洪潮
滿海起海上山高雙排門古壁積鐵如虎蹲攔我潮歸門外立忽
立忽傾萬馬奔今我觀潮虎門外潮勢顛狂無乃太近散千堆飛
鶴鵝遠來一線橫銀帶鼓起蛟蜃魚鼈及鬣龜一日兩回成轟喧
朝蕩日光夕蕩月雄欲吞乾雌吐坤豈必鷗鵬九萬擊水飛推波
助灑生靈威莫是龍伯怒翻風波窟倒挾山行出復沒或道前潮
為胥後潮種忠魂不散冤魂聳素車白馬吼天風六月波心雪山
涌須臾潮落海面寬萬里滔滔窮際蟠蛟童蛋女爭棹出倏然不
言心膽寒君不見夙昔鯨魚乘潮舞衝突海門如虢虎今春潮落
鯨欲潛不必三千水犀弩繫余久不觀濤曲江隈南溟迢遞擊汰
來欲傍靈淵賦海若媿乏枚乘七發才

和梁藥亭先生秋詠十九首

此學海堂秋課題也友人持以索和余羊城偶客何與斯

文沉不工吟效鬢堪媿然讀十九首原作率以秋命意知

藥亭先生亦善於悲秋者也顧老我征衫關河萬里秋光

滿目根觸予懷借彼酒杯澆我壘塊抑又何妨焉依題和

成聊寄旅慨道光己酉秋日識于羊城舟廬舍

秋瀑

怒瀑吼空下懸為千丈波響常挾雷轂健欲瀉銀河濺到晴雲濕

寒增落木多秋深誰領略清氣滿巖阿

秋原

十里高原迴蕭森秋氣清鳥依平楚沒水繞曲堤明野燒侵荒驛

斜陽墮故城前途郵遞近時有馬蹏聲

秋屋

老屋三間在長依秋樹根風多穿壁響日漸上階溫黃葉朝盈瓦
蒼苔晝掩門幽棲良不惡此地斷塵喧

秋樓

蜃氣噓清秋誰家百尺樓亂飛雲悞入遲到月深留倚笛聞征雁
穿鍼笑女牛夜來最高處寒欲不勝愁

秋塘

春草舊池塘波瑩滿鏡霜浴鴻翻日彩飲馬動瀾光謝客夢魂斷
秦淮脂粉香紆回幾里烟水冷蒼茫

秋鏡

寒影閃疎簾妝臺鏡啟隱明星侵曉動凉水入秋添蓉粉憐瓊貌
菱花冷玉纖惟應霜髻客覽照欲生嫌

秋琴

古調久不彈
撫琴依畫闌
當頭梧月上
落帽松風寒
流水志彌澹
秋鴻聽更酸
雍門忽懷舊
襟淚覺難乾

秋燈

蕭蕭風露冷
如豆一燈青
人影涼虛幌
秋光冷畫屏
陰符草堂雨
漁火蓼洲星
解伴孤眠客
關河照夢醒

秋衫

蘆花風欲起
遊子撫征衣
葛袂消殘暑
羅襦淡夕暉
酒痕留看舊
襟字索題稀
莫為琵琶濕
緇塵塞路飛

秋簟

桐院金風悄
秋生簟一牀
肌砭水氣冷
眼溜水紋光
漸與羅衾稱
還分菊枕香
清宵足酣卧
潛覺夢魂涼

秋漁

穩江新漲餘生意
閣何如蒲席西風路
蘆花淺水居
送人多稻蟹
換酒有鱸魚
一曲漁家傲
滄浪弄笛初

秋煙

一片涼颼裏
烟痕弱不禁
遠浮荒野澹
暗度戍樓深
紅樹隔青靄
寒潭生夕陰
秋來雲水地
蹤跡冷相尋

秋寺

古寺不知處
西風閣打鐘
僧歸黃葉路
客問白雲峰
幾朵佛前菊
一株塔頂松
秋光滿初地
幽討稱扶筇

秋社

報歲行秋祀
村村賽社忙
黃錢桑樹古
新酒菊花香
經散爭餘昨
人歸醉夕陽
田疇多樂事
晚稻欲登場

秋帘

秋涼挾瘦瓢何處酒帘飄橘柚新村落魚蝦舊市橋竿頭風悄悄
樓外雨蕭蕭行覺丁沽近青痕向客招

秋獵

曠騎獵邊城風高蕩旆旌弓刀馳殺氣笳鼓競秋聲天半塵沙合
馬頭山火明幾番呼喝處雉兔已縱橫

秋戍

征戍遼陽遠關山易變秋風威凌毳帳霜氣冷吳鉤萬里家書絕
經年旅夢愁相期瓜熟日早唱大刀頭

秋蝶

園林秋欲暮蝶子尚翩翩草暗青憐地花寒白露天臺池餘夢趣
金粉褪衣妍何必憂岑寂韶華只隔年

秋菜

田園八九月佳菜數重重綠葉香新芥黃芽脆晚菘擔頭霜氣重

攏首夕烟封每憶故鄉味莼絲生滿胸

蕉陽即事十章呈潘少城明府

才人海上種桃花治譜河陽是舊家怪底傳來消息好使君到處

雨隨車尊甫石城先生宰山右繁時諸縣有賢名今明

攬勝山川興欲酣關河笑我浪停驂老來更被梅花悞風雪擔愁

過嶺南予游江西初寓大庾龍

年來深悔瘴鄉遊舊里難忘夢狎鷗且喜故人共天末三春為我

賦嚶求明府見招頻煩

一路薰風吹客來衙齋對酒紫荆開多君情意如花艷何必黃金

更築臺仲夏抵鎮署時紫荆盛開

見說平城六月中荷花千朵亞池紅聞香聽雨無人共獨戀清宵

醉碧簫

平遠署中池荷甚盛池名聞妙明

獨彈古調

寄湘靈未必全無人解聽不信但看江渚上數峰今已

入雲青

明府實心民事邑頌廉明

戎馬關山

亂未平一尊相對夜談兵風塵老我雄心減猶喜將軍

說請纓

時英德靈山諸處有寇警都我鍾雪峯嫺兵畧每過縣明

有告奮

勇之擬

高堂明鏡

愧衰顏逸志濃飛雁蕩間今日客中勞把臂不妨且看

鎮平山

情極可感也願予衰老倦游如歸志何

山近瀛洲

若畫圖剛逢仙尉話蓬壺此游愧乏新詩料石窟留題

一字無

畫鎮邑近潮舊地名石窟鄉山環如

荔子凝丹

又滿林我來重啖覺緣深梅州刺史干旌遠舊白山園

忽上心

嘉應州屬多佳荔成申予客州署張孟僊刺史贈詩

鏡雲亭堂寺高

志新正自永嘉縣數輯鄭元哲費普委員會

七夕有感

梧葉傳金井，關心又一秋。花瓜童子宅，鍼線美人樓。遠岫猶風鶴，

時靈山合浦諸處冠亂方熾明河自牛女，年年不歸去。只辦異鄉愁。

仲秋下浣六日，忠丹臣都戎，招同潘少城、明府、鈕華亭、少府。

張寶生院長暨徐紫庭、黃仲方、山陰金子襄、長潭山亭小集。

並入一線天，觀瀑地為明季邑人林丹九、孝廉殉節處賦此。

紀遊

一碧秋容天宇開，長潭十里路縈迴。江山寥落亭臯靜，草木光輝

羽騎來，四野清風生畫角。半空晴日照瓊林，杯登臨同是舒懷事。

何必高尋戲馬臺。

看瀑崇岡藤葛秋，不解攀附入荒陬。深潭隱隱雷聲峭，壁霏霏玉

乳流水對半泓澄。俗慮天窺一線隘，吟眸幾人領略心源地。露冕

空山肯到遊

誰續文山正氣歌丹九先生有績丹光一點出林柯首陽依舊生

薇蕨柱下何人問薛蘿有表彰之者久已靈淵忠骨冷軀潭水中

忽教空谷足音多潘明府擬祀之鎮城他日求祠廟騎省風規共

不磨

笠屐圖披瘴海濱長煩冠劍伴山人鴻泥萬里同遊跡香火三生

有勝因客興不孤濠濮想秋光又辦菊花新天涯佳會知難得賒

取龍山落帽辰

長潭弔林丹九先生

宿者乾坤板蕩中山林抗節見丹衷鼎湖早下攀髯淚炎徼誰收

千馬功願託湘纍追屈子不煩生壙築司空惟憐舊日長潭上榛

莽蕭蕭夕照紅

瓊雲草堂詩稿

五折工省永嘉縣敬輯鄭先哲遺著委員會

明社堪悲魚爛亡廟廷幾見話網常開門揖盜閹奴喜伏路迎降

宰相忙魏藻德諸一代興衰關劫運百年鬼物護靈光忠魂莫更

成惆悵宇宙從今有辦香

對新月

孤城向夕風颼颼坐對新月樓西頭長空澄碧成素秋月光逼眼

橫吳鉤不防鉤起幾許愁欲破愁苦無術空怨樓頭一鉤月呼美

酒對月傾照見愁錫愁愈明月影落杯光盈盈

雜感十章仍用蕉陽即事原韻瀛桴草

到處看花不種花青衫垂老未還家故鄉畢竟湖山好何事天涯

滯客車

旅懷欲借酒杯酣怕說兒時鬪篔簹今日相逢歌舞地愛聽人唱

望江南予因思歸近亦

閱世艱虞欲倦遊空煩紗帽勸聞鷗江湖論起澄清事喜有名賢

攬轡求以舊友為少城明府留世才故云

西山寇盜捲塵來水咽韶江戰壘開野老不須更悲哭將軍擐甲

已登臺害得大憲親往督勦為之一喜

聞道羣仙雲霧中瑤天呼竹曉山紅鳳凰自有來儀日肯負伶倫

十二筩于間中外大臣屢有薦賢之舉而屈才屈

鐵老詩通才鬼靈風琴雅管人愁聽一篇把讀石窟裏鎮平邑治

鄉眼見海蜃浮天青時讀鎮平黃侍詔

花瓢孤負許宣平酒盞蹉跎阮步兵何必更隨人說劍諸侯况是

愛曼纓

消瘦多年改容顏苦吟何補任人間若逢李白應嘲笑戴笠空遊

飯顆山獨善未能空懷兼濟讀李青

鏡雲草堂詩高 共折工省永嘉縣教職鄭先哲黃著委員會

青燈欲繪課兒圖海上空磨墨一壺多謝故交憐尺鯉他年能望

化龍無庭予金子特大家蒙舊友鄭荻疇曾竹史陳紹

禾黍滿田花滿林堯天可祝願同深請廣樂府昇平曲俾慰窮檐

望歲心

西樵雜詠

雲泉仙館

仙人邈可期名山留舊館剩有雲與泉紅塵長隔斷

逍遙臺

巖罅屈曲升高明界忽登心目豁然開道遠游遊物外

沁心亭

亭小容觀瀑千載倚危岑不知一片水沁冷幾人心

白雲洞

溫州府志

洞高白雲飛泉下千尺不問向大海流一泓涵古碧

高士祠

富貴慕神仙賢者理高士空山一瓣香高士長不死

積書巖

三明書院右側有巖翼然而空其下題為積書巖時人以作庖厨可謂名實不相副焉

有巖可積書書亡岩空墮龍威守庖厨人間食烟火

眠雲夢月巖

磨岩有賴鑑題眠雲夢月四字
筆法飛舞勁大有仙氣

雲閑碧落眠月冷黃梁夢誰揮醉仙毫龍蛇飛出洞

潮州漫興

客遊豈憚路迢遙到廣今番竟到潮蠟屐不孤隨酒榼布帆無恙

掛詩瓢輕風蝴蝶漁家艇流水桃花湘子橋行處貪看光景好渾

蘇東坡詩高

浙江省永嘉縣教育委員會

忘雙髻日蕭發

滿眼繁華海上頭
粵東仙郡古瀛州
江山楸笛多花舫
城郭飛觴

有酒樓詩派一家親
大雅謂家香布衣萬里謁諸侯
宜人又喜春

風轉遮莫年華似水流

清遠文木篇

丁未春清遠縣鄉人伐木有呈文之異中丞太爵翁葉東
御公繪圖作記並廣徵詩詞以紀其事余因家香鎮待詔

古之索為賦五
應

天有文明運極顯亦極秘孰為主
關鍵乾坤自開閉上中日中天

徵為文明瑞重華與復旦由來稱盛世
菁華或有餘散之于庶類

草木識天心機祥多隱寄南交本與區
植物半幽翳清遠斗村壩

厥有木之異維月建壬寅維歲曰丁未
枯槁方在伐飛臂忽旁暨

刻分冬青柯中見龍蛇字曰天開文運
燦然字有四焦痕類火筆

文木	下太	以草	冠亂	偃武	南天	瘴氣	充為	政在	灼然	時人	此筆
兩間	平至	木微	保衛	武必	天剛	積為	補袞	修文	見精	少所	誰其
表休	皇帝	漠然	加於	修文	樹幟	為厲	器天	德羣	意端	所見	珥一
氣贊	享萬	干恕	焉見	朕兆	臨戎	海鯨	德畢	生靡	端倪	傳播	面與
之	年	置故	斯木	先示	舒籌	方揚	能法	不遂	既呈	說靈	一背
以鴻	冬卿	聞此	呈人	大功	策鯨	鬻	昌期	豈惟	露若	謁詎	膺合
詞山	翁文	異聞	非無	在救	退蟻	映山	端可	重詞	將勗	知古	若符
川增	名萬	歷歷	自漢	時車	旋斃	蟻復	致魑	華僅	有位	昔時	契天
光賁	年枝	徵古	漢陽	服彰	斃千里	戴翅	魅鄉	供鑿	道在	往往	章昭
信今	注	義上	者德	明試	烽燧	謂英	瘴氣	坡侍	修文	有其	雲漢
與傳	翔風	天佑	翁經	拜男	消重	清中	時則	亦將	文明	事曾	濃英
後嘉	自遐	大國	國有	爵英	臻光	崑臣	魑魅	求火	名義	不如	鬱蒼
話非	被題	天	志不	清	華治	公	鄉	濛	不可	斯木	翠

鏡雲閣下堂詩高

大折工首天嘉嘉教輯部七卷實警委員會

後肆他年史牒求珍此一篇記法天德上天大國以來太平皇帝

木記原注

贈友人諸緝山七兄同在吳太守幕中

兩間勝賞佳山水天下可交奇男子攬勝觀奇區區心一雙芒鞋

走千里山水無窮眼易窮奇男只在風塵中三載輕颺生木末萍

蹤吹近瀛州東一角山水窟中有人馬呼欲出越王流裔字緝山

平生最喜談志節讀書有膽更事多目光如電口懸河仁驅義役

辭不可湯火當前跳踏過鏤玉為肝鐵為面見佛思拜見妖戰酒

酣耳熱欲向天往往心香雜手劍不道剛逢賞識人延陵太守雙

瞳真束書招入芙蓉幕珠履生輝邁等倫瓌瑋如君誠奇絕况有

一腔具熱血抵掌厦屋會有時莫漫風塵悲蹉跎遠遊我亦嘆勞

勞知已相逢已二毛百尺樓頭對鯨飲君善老來衰氣為君豪

鍾雪峰都戎勦寇羅定陣亡詩以哭之

將軍家世尚忠武遺榮襲爵超萬戶公尊甫征八排十載潮海

重干城黃公存升至風聲所樹民有主年前專闡平鎮營庚戌權篆

鼓角風清人安堵野夫方作石窟遊時予客鎮平幕把臂論交風

義古適當西鄙起烽烟時廉州土處處羽書正旁午將軍豪邁喜

談兵時過蕭齋對尊俎請纓無由氣未降依舊黃岡還守土盜寇

滋蔓漸難圖疆臣為國求貔虎才名不沒終必揚一夕徵書下臺

府防邊樹蠹秋雲寒獻功廣熙多俘虜廣西寇亂犯邊公奉調羅

鏡負嶮久未下轉調開營立旂鼓斬獲頻聞威日隆金湯倚賴在

禦侮王協勳多獲勝仗境詎知報國志太強有生不惜勇可賈一日

令下破賊巢左右失色舌盡吐時惟將軍獨不然單騎入敵揮大

斧左衛右突旁無人回頭大聲呼隊伍迎鋒羣寇如蟻來孤軍無

鏡雲草堂詩稿

九折江會永嘉區徵輯鄉先哲遺著委員會

援辭空拊可憐天不憝遺忠殘屍竟煩馬革裹大帥登臺方督戰
聞報莫櫻衝冠怒主將陷陣可不顧碌碌餘子何足數轅門立象
偏裨頭一軍盡驚齊慄股制府以隨弁退縮不顧主將凶耗傳聞
咸心傷母老在堂子未乳男兒半生習韜客展用勿竟志良苦恤
典雖重身後榮事功未成終無補幸存忠節繼清芬千載英名光
寰宇一別光陰曾幾何縑絲懷公多頭緒知己難忘健私祝願公
建勲為國輔捐軀美事無乃遽蒼生失望黯無語野夫神情不自
持酌酒向天淚如雨

潮州大水行有序

潮固樂國乃今春來以鄰疆冠氛為憂六月忽有洪水之
警東南一帶田廬人畜蕩汨無算且水將齊城人心惴惴
賴文武諸公誠恪慈愛籲天乞救果獲雨止水退而民以

安並倡捐俸錢救活筆架山避水灾黎城鄉感悅嗚呼皇
天無親惟德是親人苟知向善必邀天祐而享康祉余客
茲土憂患同之目擊其事不可無一言以紀爰作大水行
時咸豐癸丑六月三十日

六月西風摧炎威黑蛟躍淵鷓鴣飛陰靈漸合寒籟作雲氣雨氣

交霏微旋見漫空黑漆似天瓢一傾不可止三日三夜成滂沱仁

一日雨以後連起自二十忽報江心長大水日長夜長不辭勞驚濤

駭浪何滔滔湘子橋沒不復覩估客船齊城齒高上流吼雷下奔

電白光茫茫驅一片城外有山謂筆架皆沒腰平地田廬那得見

夜半隆隆聲愈明但聽水聲無哭聲君不見多少村居遭衝沒江

上浮屍相縱橫自大埔至河壩上下及東津蔡家園又不見誰家

雙孩與少婦漂板遠來亂招手慘似乞援誰能援瞬息已逐洪流

走守土大夫心測然刑牲祭江悲告天

走守土大夫心測然刑牲祭江悲告天東門城樓並解公服投諸

水冀厭果見精誠有感格雨勢為衰風不願是日稍停開霽果筆

祭山頭人避水男婦露立空濛裡東津各鄉男太守矜哀急捨錢

炊飯發舟催救死郡公伯吳公捐俸錢百餘緡府縣幕友共捐錢百餘

委緡士民亦各有捐助郡伯且形容慘戚奚忍看城內生民早膽寒

見說城中心如鑊賴茲百雉屏蔽居以安城今不沒無三版此水至

二城齒僅餘一足可濯兮衣可濟臨流睨神欲殂為沿為魚在轉

眼一旦晴光開九霄城河水涸災隨消回憂作喜只俄頃禽音和

悅草舒翹邦人相見還相慰禍福有台知耶未康居樂享仍有時

天心叵測吁可畏

倚裝吟

思歸雜興有序

余粵游以來硯食於潮之州又三年于茲垂老多病兼逢
世亂故鄉之思彌覺腸一日而九迴茲者行期有待客窗
無聊爰成雜興二十有四章蓋一生旅泛莫非前因即事
言情有不可遏况天涯乃影風雨關心淒切之音至其海
上之琴耶江樓之笛耶抑黃公壚之酒盞耶余皆不得而
自知也聊將留別且以紀一時之鴻雪云爾

攬勝貪為海岳游半生蠟屐悞淹留無端天地生烽火連歲關河
炙客愁

櫂槍星動幾經年初在西南翼軫邊豈是人難收拾得潛看移指
到中天道光癸卯春有白氣如帛長數丈夕見西南方入夜愈明

亦災某侍郎奏疏嘗
探梅啖荔作南游彈指流光又幾秋記得昔年珠海住紅蓮十丈

夢瀛洲

余未到潮州於張孟仙刺史

東瀛千里未張帆剛訪成連海水寒抱得焦桐終日坐不曾輕易

向人彈

豈知文字結緣奇偶為湘纍續楚辭不料憐才老祭酒韓江雙鯉

寄相思

其家香鑣侍詔為明季殉節邑人林丹九先生作傳余為考

郡潮州侍詔入幕

東閣梅開香滿襟客來對話歲寒心延陵太守真憂國無怪霜花

兩鬢侵

畫雲成雨滿江羣慰彼蒼生未覺勞笑我丹青無福學客中猶得

看揮毫

常見太守治事夙夜不遑則民

那堪久客病成魔藥裏關心老態多怕見新霜點衰草年來塵鏡

不教磨

予孱弱多病近年猶未愈

良醫良相兩何如國病能捐人病除誰更有心似陸贄老來猶寫

活人書

孤踪風捲落天涯池盡滄溟水氣賒回首鄉關五千里衰年容易

學思家

蠻煙瘴雨正淒迷又報漳江動鼓聲爭奈杜鵑不解事夜深飛向

客窗啼

時荆吳烽烟正熾四
月間又聞漳州之警

故園三徑未曾荒松菊初懷定可償何必逢人談壯志鼠肝蟲臂

早相忘

百年親舍斷雲飛剩有妻兒老可依幸未預人家國事華陰原許

跨驢歸

風日潮州美可憐車魚愛客主人賢不緣世亂兼身病小住何妨

更幾年

麗雲亭詩高

三
浙江省永嘉區徵輯鄉先哲遺著委員會

苔磯半尺俯游鱗不盡生涯春水新還是衆人垂釣地便無風雨
也收綸
炎洲氣候覺難憑五月寒蟲已亂鳴纔放鄉心寬一着又教催動
入秋聲
天兵誰挽洗銀河逃暑連宵夢薜蘿擬向陳搏抄睡譜剛宜睡興
近來多
中山有酒可容求一醉能消千日愁却勝異鄉聽風鶴驚心容易
白人頭
敦槃有約待還家故國朋儕望眼賒穩計今年歸有日不知看菊
看梅花
種秫田餘幾畝新歸應多釀甕頭春殘年可養還強健再作康衢
擊壤人

勸我遲歸遲未遲多煩為計草堂費浣花

料遷次難忘

是舊知

百年賦命有浮沉彈缺侯門豈素心只是莫酬知己感辦香爇處

痕深

生餘熱血苦無用藏老一腔窺者稀灑入蠻戕告知己千秋應共

墨花飛

秋江空濶漾晴曦正是歸帆欲挂時一路雲山重待詠出風應得

好風吹

望門集

濯詩雨 有序

庚子初秋同人夜集朱赤霞家聯吟遣興時餘熱正盛忽

得涼雨一沁心脾余因名為濯詩雨鄭荻疇詞丈即以命

題詩成清光奪目爰廣四截庶見雅調不孤韻事足紀云

秋暑蒸人可奈何渴思江漢濯寒波片雲頭上忽生雨便覺吟懷

爽氣多

飄殘珠玉韻悠揚萬瓦風生雨後涼餘滴不嫌袍亭濕看誰滌洗

到詩腸

天街如水淨無塵清夜偏宜琢句人漱潤星河胸次朗詩成無字

也精神

奇句天外陡飛來頓出新詩見逸才願掬朱家初夜雨為君長洒

盥薇臺

附鄭荻疇先生原作

自慚無術換凡胎幸賴天工妙化裁滌我俗塵三萬斛清

光一片入懷來



吟壇飛到雨如塵欲與騷人結淨因此夕詩成誰得似鮑

家俊逸庾清新

筆花墨藻總紛披淘洗功深喜見奇手把一編呈古佛乞

將字字洒楊枝

雨師今卽是我師莫把肥穰浪入詩澹寫風神清寫骨從

今不復買燕脂

輓周藕農先生

二名衣德
二名後選授河南縣令見中丞長揖不拜旋

見黜改教歸
里潦倒以終

天豈生才易人稱獨立難書倉移入腹鍊葉化為肝一揖噴臺使

崇朝罷縣官歸除真面目陋巷守儒冠

平生惟抱道自信布衣尊便失官無礙應憐貧到根室人咎以拙

夫子笑無言風雨絕糧日讀書深閉門

禮教無聞久遺賢草野多世風成齷齪老圃足婆娑急遽拋長塵
徜徉入大羅儒林黯秋雨一夕起蒿歌
後輩勞私淑難忘問字亭頭銜空故紙心學有遺經鬚髮懸圖白
蓬蒿沒徑青野人傷懷抱淚濕少微星

聞警 辛丑

高空寒飈搖星斗懸光忽墮玉繩朽深夜火雲掃澄清大聲震疊
天鼓鳴兩翼遮形東南角頓令雞晚與魚曙無何蠢動西北夷海
水生烟民命薄去年和戎墨未乾今秋又起兵戈端重城再陷將
士沒震鄰競競人心寒風訛不一日數變甌越鯨帆隔沙線滿城
生齒耽憂危遷徙紛為避禍見甌江門戶如犬牙魚礁屈曲橫淺
沙衛民賴有陶兵憲公號廉崖曉夜紆籌江之涯大軍再興良將
出蕩平機宜願早決俾我蒼黎同解憂將軍得功天子悅

異雪十一月

夷氛未靖城堡殘江海人民心正寒傳聞吳會降異雪積高盈丈
齊檐看中路小山綿亘聚沿門都繚牆一堵小屋壓倒百十處寒
餓死亡難勝數塗抹乾坤白壁厚爭耀刀戈凍刁斗人心到此重
感傷此雪咸驚未曾有底事角東獨不然江口謂泊夷人船積素
未寸旋融化拆屋燒暖嚴寒天昔日黃巢肆擾攘吳越雪高三兩
丈而今肯願化祥符杞人不禁生妄想

上園避亂還城示同里人

近海樓臺易動搖東南蠱氣幾時消久懷避世難籌策多事移家
費解朝井竈重隨修爨汲溪山猶自夢漁樵餘生大幸君知否吳
越腥魂哭滿朝吳夷克期攻温因船大沙淺不能進歐港

曾氏雙貞錄題辭

瓊樓學堂詩稿
浙江省永嘉縣教育會

緊閨德之弗衰兮繇清淑之常存能節操之自守兮誠婦道之可
尊緬南豐之故族兮維吾甌之高門有姑為劉母兮厥媳焦媛迺
芳蹤之接軌兮名後先而飛騫羗伊姑之早寡兮悲黃鵠而苦莫
言度歲月之悠悠兮傷千里之歸魂撫猶子為繼嗣兮慰夫君于
九原何厥年之不永兮奈焦媛之未婚聞凶耗而不欲生兮襟血
淚而成痕甘舍乃父之鍾愛兮惟夫喪之是奔捧遺榘而大慟兮
幾天地之為昏何女心之匪石兮守貞一而弗讓亦撫姪而為子
兮承餘歡於孤萱繫高行之萃於一門兮信毓德之有源宜姑媳
之並壽考兮邀眷顧於乾坤齊流芳於不泯兮比蘭芷於湘沅果
雙節之蒙

褒兮沛
綸音於

帝閭豈惟光彤管於千秋兮將風教可籍以彌敦

輓董霞樵先生

天地新生才齊名不齊福先生道自宏任運抗冲穆姓氏動公卿

侯門爭推轂塵鞅老未休江山遊覽熟今歲薰風中稅駕斗山麓

償予向慕深殷勤勞私淑方嗟相見晚遽悲死別速胡天不憖遺

一往安可復鼓彼雍門琴千秋同一哭

浮生固若夢直可付達觀矧有名德富長留天地間念我甫結識

等若平生歡謂可從此始詩酒相盤桓知音苦難遇交直何易闌

羅江邈在望茫茫集百端生芻遠莫寄嗚咽江波寒

吡哉菰蘆子碌碌殊溝沓綺歲事帖括莫中英雄殼鵬搏笑未能

蠖屈空傷憊衣食勞奔馳吟情亦雜糅間綴五七言郊島同寒瘦

先生乃不棄兼收付釘鉅惠然煩枉顧甯厭衡茅陋

我從有生來頗結長者緣
杖履春風中琴尊夜月前
欣爾同臭味裁成狂與狷
山川多阻修歲月不我延
老成漸彫謝人事遽變遷
殆為先生故紛然舊感牽
烟雨黯秋江能無涕泗漣

夷氛十七首

吾朝姪軒堯區宇久混一
當宁昭宏化治道詎有失
百僚佐燮理聲教已四訖
歲歲際昌期民生遂安逸
帝力渾相忘康衢浴

化日

皇靈固廣被荒服盡來賓
蠢茲西北夷漫揚東海塵
修程七萬餘何不辭艱辛
旄頭無定指道路生荆榛
輾轡百千里苦哉海濱民
華夷邈相隔生成共高厚
奚為逞跳梁犯順效小醜
揆厥所由然蓄心亦已久
船廣軍械精成之良非偶
孤軍敢深入何恃而無咎
中華風土佳涎羨久在抱
華人奚所貪番舶富金寶
彼此成互市

關津化野島鄙彼前明臣權財圖見好留此利害端久安焉可保

痰火生人身廣東有番船猶人身之調御失其道恩之不足懽威

之適增惱釀煙鴟民命流毒不可掃

枯血吾不知耗金苦不悟吸食失晨昏厥疾類沉痾奄忽五十年

海內半殘蠹臺疏再三上吾皇赫斯怒禁令下中外詎容再迷

誤

豈知流毒深不可以救藥愚者迷不返智者輟復作不咎習染非

反憎王政虐赭衣日塞途所至皆驚愕草木戀餘生媒孽成干鏌

時事不可為積怨歸蹇諤謂黃樹齋鴻臚

夷亂交煽起羊城遭首禍巨艦駛如飛雙輪運風火多寡忽不齊

出沒測誠巨督臣承寵命控制任忠果號令既嚴明籌策臻貼

安吏計無所施浙洋乃轉枕

新正首承嘉慶教輯部先哲實業委員會

鯨氛自南來歎然雪浪飛悲此昌國城狼烟蔽殘暉孤魂懸不可守

忠魂靡所師典定海陷知縣姚公懷祥六月海風腥但見夷船旂

羽書日旁午郡縣彌戒慎特簡命重臣節鉞專臨鎮薄伐在斯

舉殲渠期奮迅夷兵按不動甬上且觀釁落日照紅旂秋霜生白

又鸛鶴舞營門夙夜護金印

欖槍照廣州藩籬忽自撤督師待罪去夷舸復肆孽礮猛刃犀利

城堡紛决裂黎首誠何辜罹斯冤禍烈天狗下三更亂絛橫屍血

大帥銜命至民望若雲霓雄師况百萬威撼衡岳低相持交歲暮

風雪悲以淒關前礮車逼關後憂旄倪旄倪憂未已關督轟為泥

提督閔公天培殉難黑雲暗山海鬼聲白晝號

隔歲將軍來為民解倒懸征勦當槐夏衣甲生嚴寒勝負不可知

傳聞圍城堅廣人騁忠憤旂鼓騰風烟虜酋正危懼殄滅誠何難

夷性詎有常貪得殊無厭孤負和戎金羞澀英雄劍未降南粵心

又起東溟念秋風揚帆來三城相繼陷一郡與兩邑驚濤生赤燄

民骨填溝壑炮械塞深壑不堪邊海區重為夷人占定海復陷連

大臣荷重恩小臣蒙銜紙君憂臣當辱共抱偷生恥督帥憤填膺

江督裕公四鎮恨切齒定海鎮萬公錫朋守定城狼山鎮謝公朝鴻壽春

守鎮櫻城冒血戰後先同一死復陷葛鄭王三鎮全陣亡李

丞懷敵愾捐軀亦烈士鎮海縣丞李公向並謝鎮俱殉節焉

天子秋高天宇靜使星東南飛小星多尾隨中道散光輝咸謂興大軍

定爾揚神威江南忽異雪民志警危機戰撫兩未就寇變日又非

乍川重罹害駐防都統長公乍防同知韋連及江以南鋒鏑不

可禦死亡何以堪成鎮江諸處難者亦多金陵形勝地失恐致

寶雲亭詩稿

浙江省永嘉縣教諭顧元哲黃普委員會

虎眈念彼封疆寄憂心急如快爭說夷人心金帛所素婪苦志行

羈縻姑且餌其貪

載聚九州鍊或謂仍鑄錯余則曰不然撫綏亦方畧疆補救時心

出民安能度聖朝仁化隆四海咸欽若冥頑終感悔天心肯厭

薄從茲康衢民餘生幸可托不須懷杞憂且享昇平樂

酬曾子璘並步元韻

江左風流迴絕倫瀛臺標格五侯賓品高玉尺皆知貴學富書倉

不患貧何處得來真國士伊誰不識謫仙人翹車會有徵賢日天

地無妨且側身

沂水春風得趣深渾忘廊廟與山林文章清抱冰霜骨氣節寒爭

松柏心博物柯亭忻得笛移情滄海欲援琴不知蓬壺人間世誰

是先生解賞音

浪傳東野以詩鳴老我吟懷歲月驚偶為江山微逸事不圖桑梓
播虛名邯鄲學步慙無狀混沌書眉恥過情爭似妙裁諧古義通
儒今日見孫卿
不鳴不躍笑無成多病多愁亦悽情愴衡泌幾時容醉卧江湖猶想
棹歌行信非美玉難求價學煉黃金好養生底事相煩常說譽生
令儻父有光名

癸卯春奉順董紫滌上舍晴將擬遠遊賦此贈行

羅陽之山河磊落其人英姿多卓犖文章每兼道藝行術數必究
天人學一時傑出董小霞文章術藝成一家人所不能君能之善君
風角則高談驚座吻生花拔萃詔科固非偶甘讓人先已甯後西癸
機諸學乙選拔科科戚友請讓所親潘某先試潘果獲售至無何一戰輒成功
西科君出一試輒售人以其高君才誼焉
氣誼如雲胸二酉帝廷試罷出長安御香攜滿銀毫端旋理琴

欽定四庫全書
詩高
新工省承嘉嘉教輯都七卷寶晉交員會

書作客去名山大川縱遊觀我聞君名亦已早君訪我來如夙好
 世人說君若冷癡我獨謂君能抱道渾然品節金玉相豈惟文藝
 擅其長平生雅結達人契坐令俗眼生黃芒為論滄溟播塵燄人
 事天心早可驗書生宜為國宣猷慷慨從軍仗孤劍甲帳貔虎多
 雄威美人歌舞雪花飛將軍尊貴不揖客一噓營門掉臂歸天縱
 風流良可愛不衫不履誠何礙默時對客一言無興來歌擊唾壺
 碎今年家食不勝愁襤被又思江湖遊我欲留君不可得囊裏無
 錢英雄羞君乃抗言不足慮天生我才必有遇春江水綠好風多
 一幅蒲帆萬里路

鍾馗縛鬼圖歌

清平之世成鬼窩鬼復生鬼日愈多上古僅聞叫昏夜白晝遊行
 今奈何君不見大鬼常托大小鬼多鑽刺點鬼掉虛脾愚鬼肆驕

恣竊弄威福天無權顛倒是非人墮計譎張為幻一至此思之豈
不堪流涕快哉終南鍾進士天然膽氣何粗豪平生疾鬼乃如仇
裂眦咬齒捲鬚毛靈符寶劍握在手叱咤生風雷霆高收伏財魃
作奴隸遍地捕鬼鬼奚逃鬼啾啾空悲愁罪在不赦爾知否行誅
夷恨勿早予死一刀太草草生致阿鼻加磨擣號令一下備麻索
遇鬼攫之教束縛長索貫心胸短索繫手脚毋令掙脫潛溝壑復
向人間肆餘虐大鬼頭腦疼小鬼口舌咋黠鬼與愚鬼雙睛呆瞪
肝腸墀諾爾鬼念何差正而不務乃務邪今日可知悔罪否吾神神
通大無涯羣鬼對泣發聲嘶有言欲訴神丹墀吾儕肆志良有以
願神垂聽誅未遲人皆好諛謙尚假義不足動勢足下正道不行
千百年况值天聾與地啞乞神原我情願神奏玉京細記一立世
登清魍魎翹翹奚由生嗚呼鬼道之興蓋由此鬼心不悔靡所止

百爾神司土木形安得盡如鍾進士鍾進士宜不死千載丹青留

一紙

蓮花高

潘小湄名宗灝乙酉選拔與余為文字交歿十餘年去歲

始卜葬蓮花心今春余過謁其墓作此蓮花高四章弔之

蓮花高兮碧峰陰中有人兮如國琛呼之不出佳城何深山蔥鬱

兮氣蕭森

蓮花高兮隔幽岑中有人兮困青衿才拔萃兮命顛沈信孤負兮

華簪也小湄虹橋明府弟歿年甫四十餘

蓮花高兮鵲泣林中有人兮我知音烟雨生寒兮人與琴奠椒漿

兮淚滢滢

蓮花高兮動哀吟中有人兮不可以復尋歲易逝兮成古今墓草

青青傷予心

江梅吟癸卯秋
至甲辰

將之江西留別同里諸朋舊

菰蘆生長信非奇
空有虛名辱世知
早分糠燈疎笨伯
故應席帽

混輿廝少年志
概紅十尺末路生
涯筆一枝浪擲時
光端可笑劉

伶酒盞玉溪詩

今古茫茫滿眼塵
英雄不死肚腸真
難忘螳臂伸知己
肯把猪肝

累故人報友膽粗
湯鑊冷謀身計拙
斗筭貧由來得失
天然事科

跌何妨逐隱淪

漉巾久擬掩柴關
襪被無端復出山
遊興向濃河嶽外
名心早冷

草茅間齒芬朋論
添新感顏笑池光
減舊頑深信故園
多樂事何

年十畝咏桑閑

論交休戚寸心同豈在尋常編紵中一旦歌驪勞祖餞十年舞鶴

惜樊籠芙蓉緣分西江水梅夢吟懷庾嶺風從此相思隔千里年

年緘札望飛鴻

蘭江旅感

廿年舊寫六朝山八詠樓前幾往還一夜客談丁蘭石江楓何幸

落人間夕陽猶利六朝山予登八詠樓舊句也丁蘭石

五字荒烟出戍樓當年吟此不勝愁滎陽海老真饒舌一例逢人

作話頭荒烟出戍樓道予

浦陽野客號瓊蘭愛我天花入句寒聞道至今拋未得倩人描作

畫圖看浦江瓊榮性愛予咏雪白描

徵詩記取舊書御今日琳宮寂寞秋好友不來僧已杳茫茫空對

激波流訪詩僧通公不值而

廬陵縣文文山公故里

刺水殘山不可留相臣正氣獨千秋至今門外龍潭水猶為忠魂

咽恨流

新建侯祠王陽明先生

儒將才名大良知道學窮戰勲悲縛虎兵戲痛游龍白髮心無累

紅塵眼早空吾家封爵疏千載議何公公疏叙公功始封爵

豐城夜泊

畫舸風輕秋水平卸帆夜半到豐城沖霄劍氣今猶在誰更張雷

雙眼明

秋旅雜興寄故鄉諸友

為探梅花賦遠遊諸儻廝混誤風流可憐絕好羅浮國惹起詩人

萬點愁

鷓吟鷓鷓嚇雨無情底事乖和失辨聲到得焚林各飛去一場祥

異可分明

南柯遍地起雲烟雞犬無愁客愛眠偏是鯁生凡骨重夢中不解

結仙緣

幾宵星月乍明稀三匝旋傷烏鵲依堪歎韓嫣猶拾彈祥禽打起

亂驚飛

器業青雲抵萬金功名歲月惜分陰良言不用成疎失地下空傷

白髮心

鷓鴣秋來泣謝塵病枝壓雪豈無因可憐夜半逢魍魎不信多為

骨月親

多病江湖興不豪秋風吹入鬢蕭騷無端愁緒年時重鏡裏星星

見二毛

鷗渚停橈落日昏
悄吟何處逗詩魂
美人心事征夫恨
一樣青衫漲淚痕

秋水芙蓉映碧流
撚髭相對覺多羞
思量年少吟花日
紅袖分箋

太白樓

苔岑契好隔關河
客子光陰激箭過
怡悵三千鄉路遠
相思消得

夢魂多

章門集 甲辰秋至
乙巳冬

章門度歲有感
同湯秋溟鵬翔

爆竹桃符到眼前
又催節序入新年
繁華笙管滕王國
南昌黃鳳
題除夕詩

笙歌激夜
競繁華 去住光陰
客子緣春草
階前驚臘鼓
鐙花家
裡卜歸鞭

且題逆旅平安字
寄作妻兒壓歲錢

底事勞勞賦遠征
敝裘潦倒笑蘇生
風塵何恨人將老
天地無言

歲已更每歎良緣遭薄俗豈真造物忌虛名寒深雨雪章門暮鷄

泊窮年覺憶情

湖海依人笑老顏元龍豪氣早應刪空煩折柬窺東閣莫禁移文

誚北山愁塊願隨杯底減鬢毛怕入鏡中斑投門喜得梅消息眼

見春光趁驛還

綻瓦霜華見曉消圍爐楮拙暖偏饒人間樂事逢除夕天上新猷

換斗杓斷酒維摩因卻疾祭詩賈島本無聊論文雅有同鄉侶擬

對春王學頌椒

吾溫建復先農祠落成詩以紀美即寄鄭海樓先生學海兼

柬董事諸君有序

祠久祀春秋二祀祭棚什器差保苛介里民擾累迄無已
時道光壬寅鄭茂才學海全國學步蟾湯茂才鵬翔各戶
捐金建復時有陳職員嘉謨首捐千緡為倡合郡邑各戶
眾輸共得如千金廟捐以成而祝豐保泰之道寓焉匪止

六合論

祀事絕擾累已也與斯舉者又有印茂才

興廢天權若獨斷及乎時當興亦必人為賴吾甌先農祠

舊址濠池外毀既半百年復新期一旦湖厥粒我源帝力何其大

蒸民効輸將庀為鳩固宜快三年遂自成輪奐丹青燦豈無叙功

典褒章下雲漢亦有紀功文君等名齊煥從此明禋格年穀祝長

泰豈惟二祀時公役杜苛派見義能勇為千杖足詠歎

鄭海樓全月樵諸君念秦觀察瀛呂儒生從龍力除庄長弊

政擬於先農祠側構龕附祀秦公暨呂子作此卻寄有序

永嘉舊有庄長名目蓋以糧大殷戶充當凡鄉征供張器

用皆責取之並令領催里糧有逋欠抑勒賠完殷戶咸不

勝其窳累生呂從龍首出上控臺司右縣令致案延多

載衣衾且禘時本道權臬司覘公力平反之樊政

得除勒石紀案此乾隆五十八年事也德秦公呂子逮而

君冀勉最以成云諸

浙省不... 會

苛政古常有賢良世稀逢疇昔庄長禍甌民困且窮不有呂儒生
孰能愬苦衷不有秦觀察孰能秉政公積害一朝除萬戶樂熙雍
呂子血肉疲千秋名譽隆將與觀察恩歐波同無終斯感曷云忘
報禮宜加崇刻龕祀秦呂憶君舊議宏猗歟此舉行匪止慰公忠
人心且以厚世道且以風不難賈餘勇再拓半畝宮尚義豈無人
將偕成厥功此志幸勿懈令名光海東

舟泊信州龍潭灘同湯秋溟登塔院樂水亭閑眺好山遙隔

灘水亂流亭臨有枕上灘聲夢裏詩句因感勞生偶成四

絕呈上饒曹惺予明府

孤舟燈火對江城水濺寒濤下瀨鳴一夜征人眠未穩潺湲枕上

夢灘聲

樂水何如觀水好今朝攜侶暫登亭何人夢破灘聲裏佳句留題

待客聽生序聯聞為王贊山先

好山何處鬱崔嵬入眼青樓幾叠開苦被亂灘遙隔斷年年不肯

過江來

勞勞帆楫幾時休佛也依眉為客愁無術過人安過日龍潭灘上

看行舟

前溫州太守南豐養雲劉公緣事成邊赦喜還而作此寄

呈併序

公之守吾甌也初下車輒條詢民間利弊如農田水利盜

賊諸政次第興革之郡屬塩務弊重課絀公仿淮北例議

請票引兼行道光甲午歲大饑公以常平倉需待報緩不

及事乃碾塩義倉穀平糶並捐米煮賑召商糶運民賴存

活者寧時疫盛死者塞途公疏禱城隍神願以身代未幾

Vertical text on the left margin, partially obscured.

Vertical text on the left margin, partially obscured.

溫州府志卷之...

WENZHOU LIBRARY

歿平四境多停柩為買山收埋以庫有附貯閒款捐廉足
之發典生息為久遠經費計乙未秋颶風壞巡洋舟師公
臚列弁兵王大成等名位設醮三日仍申請贈恤如例以
其沒于王事也每歲早晚未將登場公必微服扁舟往鄉
驗察以覘豐歉蓋公留心政事有不可更僕數匪止清釐
書院嬰堂塗畝及賓興飲助貧士以擴充其教養之典而
已誠惠我甌民多矣歲丙申離院以票鹽窒碍竟罷公任
並坐此獲罪去先是公以私鹽充作官引不暢非改絃易
轍不足以整頓力請票引兼行前離院富公都轉宋公然
之特為奏允復查存帑漸絀弊在乾沒乃請按引帶繳
羨餘以彌補之逾年課裕而私杜甚著成效郡之蠹役向
有以私鹽戕害殷實迨盡變私為公此害遂絕公蓋嚴正

清廉有子有為有西漢賢二千石風至是罷任去甌民其
有天良者莫不惋惜焉漢屬在編氓躬被其化深憾吾甌
無福不獲公久任而去思之心有同然者公既成邊久無
確耗癸卯秋漢幕遊江西在處詢訪今歲初夏於盱江道
中間信公曾奉

恩賜環去臘已回里第不勝忭慰交至因念公治甌善政
有不可忘不揣卑陋成七律八章並叙其顛末崖略聊當
輿頌詩云乎哉

剛嚴吏治漢庭風經術家傳宋學隆宋儒劉元城出處有心論氣

節幾人巨眼識英雄冰山一笑今安在安南有缺漢千秋再見公樓

蘇子瞻為劉元城公建票藍案舊日編氓懷令德辦香端合敬南

豐

起公就鞠浙閩兩省百折不回

蘇子瞻為劉元城公建票藍案

公望公才自軼倫惜隨駕馬共車塵論交豈少藍梅客為政偏逢

杓鑿人吐闕上書酬夙志公為藍梅客再遭東山賭墅得間身會當

宣室求賢日應為蒼生起舊臣

一葉浮萍大海同丁公貶去冠公還相逢不信作何語我道伊渠

空赧顏後任與公為難者後亦獲罪反覆人心悲世路循迴天道

憶崖山為公成就名兼福正喜君恩特賜環

長沙休更恨吞聲潔濁從來忌獨清官好有甘憑笑罵人誰堪與

共功名命中磨蝎三年泊天上金雞一夜鳴畢竟烏雲容易散日

光高照九州明聞公有烏雲蔽日嘆詩冊

鳳皇城上舊時鳥幾載西風尾畢通海警不防衝腐嚇天槽久已

乍羸鴛迷陽枉使人傷足貫索空悲自剝膚回盼當年八九子早

皆鍛羽墮泥塗

匹馬離甌正十年
甌人爭惜使君賢
危因國計除流弊
勞為民生任仔肩
心跡光明無愧日
事功成敗且由天
笑他食肉謀身客
孤

負官家好俸錢

太守先年戍邊去
嶺南節度又南冠

謂林少穆明府與公有交誼並同一戍所故及之

帝庭日月心同捧
宦海波膽不寒萬里故人訪
遷客一鞭我欲

出陽關不惟畏世譏
非分貧士遠遊良亦難

書生潦倒信堪羞
襤被江湖總浪遊
老我漸忘榮辱感
替人反抱

古今愁

余考訪郡邑志所遺佚桑梓文獻與夫官司政教士女忠節輯為甌乘補一書

悞耽詩好窮家計

枉學言公結世仇
未必衣冠鄙草野
爰編遺愛在蠻謳

讀進士王笠舫先生綠雪堂遺集成七古一章即呈王窗山

明府

秋雲之才奇且博
深玉之品超且卓
天風浪浪海月升
萬丈襟懷

卷之三 詩

世所工書不嘉蓋數韓歐七古遺贊安員會

何灑落霓裳曾詠大羅天
搢笏宜朝玉皇前
金門忘向謁
若揖墮

落塵寰到白顛
柳州未暖尼山席
拂衣又投下
令憤先生選賦宣

事牽累蚤失心中本
分官轉駒頭銜
何足惜傲骨如梅生
老叔干

年不開仰面花
甯吹遷客江城笛
肯拜權臣禁路車
蓬萊山隔神

仙少魑魅爭光黃塵日
見昏雲滿鏡生
無怪搗家逃海島
樂事由

來海外多花天
月地醉婆娑諸侯處
處逢知己山水年年足
詠歌

天生奇才宜有用
底事人間輕斷送
黃葉淒涼寶劍篇
青樓薄倖

揚州夢想見問天天
不知只詩長留一卷
詩可憐牢落江湖日
正

是承平世界時
肚皮豈獨萬卷悞
不合時宜成沉痛
此是先生一

世心弗信但有短人賦
集中有此賦後生無才到我稀
若論志節

氣橫飛筍門
混食人將老
碌碌光陰良自悲
寒夜挑燈展詩讀
飛


雪打筍顏色
綠不防淚滴酒杯翻
畢竟傷心為誰哭

浙江圖書館藏書




温州图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市 0391 馆

WENZHOU LIBRARY